

DEWAN RAKYAT MALAYSIA

PERTANYAAN LISAN

PERTANYAAN : LISAN

**DARIPADA : YB. TUAN WILLIAM LEONG JEE KEEN [
SELAYANG]**

TARIKH : 25 MEI 2016

RUJUKAN : DR19

SOALAN :

TUAN WILLIAM LEONG JEE KEEN [SELAYANG] minta MENTERI SUMBER ASLI DAN ALAM SEKITAR menyatakan sama ada terdapat kemungkinan untuk mengimport makanan yang mengandungi "genetically modified organism" (GMO).

JAWAPAN

Tuan Yang di-Pertua,

Genetically Modified Organism (GMO) telah diimport ke Malaysia lebih 20 tahun yang lepas. Walau bagaimanapun, pengimportan GMO hanya dikawal selia sejak penguatkuasaan Akta Biokeselamatan 2007 [Akta 678] pada tahun 2009. Mengikut Akta ini, hanya GMO yang telah mendapat kelulusan daripada Lembaga Biokeselamatan Kebangsaan (LBK) sahaja yang dibenarkan untuk diimport.

Seksyen 12, Akta 678 memperuntukkan bahawa GMO yang tidak diluluskan di Malaysia tidak boleh diimport masuk dan boleh ditahan di pintu masuk negara. Mana-mana pihak yang melanggar subseksyen 12(1) adalah melakukan suatu kesalahan dan boleh didenda antara RM250,000 hingga RM500,000 apabila disabitkan kesalahan.

Sehingga April 2016, LBK telah meluluskan 27 permohonan untuk penggunaan GMO iaitu 74.1% bijirin GM bagi tujuan makanan dan makanan haiwan iaitu *genetically modified food (GMF)*, 11.1% bagi ujikaji lapangan, 3.7% bagi memasarkan bunga Carnation (GMO), 7.4% bagi *biopesticide (GMO)* untuk nyamuk dan 3.7% *biofertiliser (GMO)*.

Pembangunan GMO di peringkat global adalah sangat aktif. *International Service for the Acquisition of Agri-biotech Application* melaporkan sebanyak 390 jenis tanaman GMO telah dihasilkan. GMO yang telah diluluskan di Malaysia hanya 6.9% berbanding dengan GMO yang telah dihasilkan di peringkat global. Oleh yang demikian, kemungkinan untuk

mengimport makanan yang mengandungi GMO samada GMO yang telah diluluskan atau GMO yang masih belum diluluskan adalah tinggi.

Sekian, terima kasih.

SOALAN (98)

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN

**TARIKH : 25 MEI 2016
[RABU]**

**DARIPADA : Y.B. TUAN WONG SZE PHIN @ JIMMY
[KOTA KINABALU]**

SOALAN :-

Y.B. TUAN WONG SZE PHIN @ JIMMY [KOTA KINABALU] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan jumlah orang, umur, bangsa, penyewa PPR mengikut tahun sejak dilancarkan di Sabah. Senaraikan jumlah peruntukan, nama syarikat kontraktor pembinaan dan penerima PPR mengikut daerah dan tahun sejak dilancarkan di Sabah.

JAWAPAN :-

Tuan Yang di-Pertua,

Untuk makluman Ahli Yang Berhormat, sehingga 31 Mac 2016, sebanyak 21 Projek Perumahan Rakyat (PPR) yang membabitkan 16,216 unit rumah di negeri Sabah telah siap dibina dan daripada jumlah tersebut, sebanyak 14,379 unit rumah telah diduduki. Manakala jumlah kos projek yang telah dibelanjakan bagi kesemua 21 projek adalah sebanyak RM1,231,784,457.68.

Pengisian PPR bagi negeri tersebut diuruskan oleh Kementerian Kerajaan Tempatan dan Perumahan Tempatan (KKTP) negeri Sabah.

Kementerian Kesejahteraan Bandar,
Perumahan dan Kerajaan Tempatan

Mei 2016